



PITU
Postboks 1858
3900 Nuuk

18. juni 2018

Nal. nr./j.nr.: 2017-900-0019
All. nr./brevnr.: 55867
Sull./sagsbeh.: KJ/joni

INAARUTAASUMIK NALUNAARUSIAQ

Paaqqinniffiup imminut pigisup PITU-p immikkoortorta-qarfiani Nuummiittumi misissuineq

1. Aallaqqaasiut

Paaqqinniffiup imminut pigisup PITU-p Nuummi immikkoortortaqarfiani misissuineq misissuartortunit 6. marts 2018-imi ingerlanneqarpoq. Misissuineq Ombudsmandeqarfiaup ataatsimut sulineranut ilaatillugu ingerlanneqarpoq, taamaallunilu naammagittaalliummik tunngaveqarnani ingerlanneqarluni.

Misissuartortut tassaapput Ombudsmand Vera Leth aamma siunnersortit pisortaat Lasse Risager, fuldmægtig Kamilla Jensen aamma nutserisut/oqalutsit pisortaat Jørgen Hansen, tamarmik Ombudsmandeqarfimmeersut. Misissuineq Meeqqat Pisinnaatitaaffiinut Sullissivimmi MIO-mi siunnersortip Nauja Benjamisenip peqataaffigaa.

Misissuinermi eqqartorneqartut ilaannaat nalunaarusiami matumani ilanngunneqarput.

Pitu pissusiviusutigut tunngaviusoq pillugu oqaaseqaatissaqaruni oqaaseqaatiminik saqqummiussisinnaaqqullugu nalunaarusiaagallartumik tuncineqarnikuuvooq. Pitup oqaaseqaatai e-mailikkut 22. maj 2018-imeersukkut tigusakka nalunaarusiami ilanngunneqarput.

2. Misissuinermi inatsiseqartitsinikkut tunngavigisaq

Ombudsmandip sulineranut inatsiseqartitsinikkut tunngavigisaq Inatsisartut Ombudsmadiat pillugu Inatsisartut inatsisaanni (matuma kingornatigut Ombudsmandi pillugu inatsimmik taaneqartartussami) nr. 7-imi, 1. juni 2017-i-meersumiippoq.

Inatsisartut Ombudsmadiat Inatsisartunit qinerneqartarpoq, tak. Ombudsmandi pillugu inatsimmi § 1, imm. 1, sulinerminili Inatsisartunut attuumassuteqaran, tak. § 6, imm. 1.

Kalaallit Nunaanni Namminersorlutik Oqartussat kommunillu ataanni pisortat ingerlatsiviisa ilaat tamarmik Ombudsmandip sulinerani pineqartunut ilaatinneqarput, tak. Ombudsmandi pillugu inatsimmi § 7, imm. 1-imi oqaaseqatigiit siulliit.

Pissutsit kiffaanngissusiiagaasut paaqqinniffinni/suliffeqarfinni il.il. namminersortuni pisortani oqartussaasup aalajangiineratigut, pisortani oqartussaasup kaammattuuteqarneratigut pisortaniluunniit oqartussaasup akuersineratigut a-kuersarneratigulluunniit kiffaanngissusiiagaaffiusuni atugaat Ombudsmandip sulinerani pineqartunut aamma ilaatinneqarput, tak. Ombudsmandi pillugu inatsimmi § 7, imm. 1-imi oqaaseqatigiit aappaat. Pissutsit meeqqat paaqqinniffinni/suliffeqarfinni il.il. namminersortuni meeqqat eqqarsaatigalugit suliassanik imaaliallaannaq isumagisaqartuni atugaat Ombudsmandip sulinerani pineqartunut aammattaaq ilaatinneqarput, tak. Ombudsmandi pillugu inatsimmi § 7, imm. 1-imi oqaaseqatigiit pingajui.

Oqartussaasut inuillu Ombudsmandip sulinerani pineqartunut ilaatinneqartut inatsiseqartitsineq atuuttoq unioqqutillugu iliuuseqarnersut suliassaminilluunniit ingerlatsinerminnut atatillugu allatigut kukkussuteqarnersut sumiginnaanersul-luunniit Ombudsmandip nakkutigisassaraa, tak. Ombudsmandi pillugu inatsimmi § 19, imm. 1. Ombudsmandi isornartorsiusinnaavoq, inassuteqaateqarsinnaal-luni suliamillu paasinninnini aamma saqqummiussinnaallugu, tak. Ombudsmandi pillugu inatsimmi § 20.

Ombudsmandi pillugu inatsimmi § 16-imi oqaaseqatigiitsigut siullertigut aalajangersarneqarpoq paaqqinniffiit suliffeqarfíilluunniit Ombudsmandip sulinerani pi-neqartunut ilaatinneqartut suulluunniit Ombudsmandip misissorsinnaagai. Taa-matut misissuinermut atatillugu – Ombudsmandi pillugu inatsimmi §§-ini 19-imi 20-milu aalajangersarneqartut saniatigut – Ombudsmandip pissutsit paaqqinnif-flup aaqqissuussaaneranut ingerlanneqarneranullu tunngasut kiisalu pissutsit paaqqinniffimmik atuisut pineqartarnerannut taakkulu pillugit ingerlatanut tunngasut inuppalaartumik misiggittartumillu isiginnittaaseq aallaavigalugu naliliiffi-gisinnavaavai, tak. Ombudsmandi pillugu inatsimmi § 16-imi oqaaseqatigiit aap-paat.

3. Misissuinerup piareersarneqarnera ingerlanneqarneralu

PITU misissuartussamaarnermik oqarasuaatikkut 1. september 2017-imi ilisi-matinneqarpoq, misissuinerlu pillugu paasissutissat amerlanerusut allakkatigut 15. januar 2018-imeersutigut tigullugit.

Paaqqinniffik, sulisut najugaqartullu pillugit allakkatigut paasissutissat assigiin-ngitsut misissuineq sioqqullugu PITU-mit tiguakka.

Taakkua saniatigut misissuinerit kingulliit marluk pillugit nalunaarusiat Isuma-ginninnermut, Ilaqutariinnut, Naligiissitaanermut, Inatsisinillu Atuutsitsinermut Naalakkersusoqarfimmit tiguakka. Taakku 2013-imi aamma 2015-imi suliarine-qarsimapput.

PITU misissuineq sioqqullugu qinnuigaara sulisut, najugaqartut, ilaquaasut aamma meeqananut nakkutiliisunik toqqaasoqarsimappat taakku misissuineq pillugu aamma misissuartortunik oqaloqateqarnissaminut periarfissaqarneran-ik ilisimateqqullugit.

Misissuinermi 6. marts 2018-imi ingerlanneqartumi pisortaagallartoq aamma a-qutsinermi pisortaagallartoq misissuartortunit oqaloqatigineqarput. Taakkua sa-niatigut sulisut sisamat najugaqartullu pingasut ataasiakkaarlugit misissuartor-tunit oqaloqatigineqarput.

Paaqqinniffiup initai, allaffiit ilanngunnagut, misissuiartortunit tamatuma saniatigut misissorneqarput.

4. PITU pillugu ataatsimut oqaatigisassat

PITU meeqlanik inuusuttunillu sumiginnagaasimasunik 0-18-inik ukiulinnik pingaartumik qatanngutigiit isiginiarlugit ulloq unnuarlu paaqqinniffiuvoq imminut pigisoq. Paaqqinniffik Nuummi Tasiilamilu immikkoortortaqarfqarpoq.

Misissuineq 6. marts 2018-imi ingerlanneqartoq nalunaarusiami matumani al-laaserineqartoq Nuummi immikkoortortaqarfimmut sammititaavoq. Immikkoortortaqarfimmi Tasiilamiittumi misissuineq Ombudsmandeqarfimmit 5. april 2018-imi aammattaaq ingerlanneqarpoq, taannalu nalunaarusiami allami allaa-serineqarpoq.

Nuummi immikkoortortaqarfimmi najugaqartut aqqusinermi Mannguani najugaqarfinni assigiinngitsuni pingasuni najugaqarput, tassami paaqqinniffiup illutar-piaa Manngua 8-miuttoq immikkoortortaqarfillu Inuuusuttoq Manngua 68 B-miuttoq aamma Qatanngutigiit Manngua 76 B-miuttoq immikkoortortaqarfimmut i-laammata. Aammattaaq paaqqinniffik aqqusinermi "Issortarfimmut"-mi allaffe-qarpoq.

Nuummi immikkoortortaqarfik 16-inut inissaqarpoq. Misissuinerup nalaani najugaqartut katillugit 19-iupput, taakkunanngalu marluk paaqqinniffimmit nuungajalersut sulisut ilagalugit PITU-p Kapisilinni illuaraataanniippuit. Misissuinerup nalaani nukappiaqqat marluk Danmarkimi efterskolertut PITU-p tamatuma sa-niatigut akisussaaffigai.

5. Ombudsmandip pingarnerusutigut naliliinera

PITU paaqqinniffittut pitsaasunik pingarnerusutigut paasisaqarfigaara, tassani-lu pisortaqtigiiit paaqqinniffimmi najugaqartut toqqissisimanartunik angerlarsi-maffippalaartunillu avatangiiseqarnissaannik pilersitsiniarneq pingaartillugit anguniarpaat.

Najugaqartut misissuartortunit oqaloqatigineqartut paaqqinniffimmi najugaqarnertik nuannaraat toqqisisimanartillugulu.

Sulisut misissuartortunit oqaloqatigineqartut soqutiginnittuunerat, isumassuiluwartuunerat unneqqarissuunerallu malunnarpoq, paaqqinniffimmilu sulinertik nuannaralugu oqaluttuarput. Aammattaaq sulisut pisortaqatigiillu najugaqartutut pissaanermik atuinaveersaarnissaminnik eqqumaffiginnitorujussuusut paa-sivara.

Initai kusanartuuupput eqqiluitsuullutillu, nuannersumillu paaqqinniffippalaartuunngitsumik aaqqissuussaallutik.

Pissutsit arlallit oqaaseqaateqarnissannut pissutissaqalersippaannga. Taakku immikkoortuni 6-imit 14-imut allaaseraakka.

6. Namminerisamik ineeraqarsinnaaneq

Meeqqanik ulloq unnuarlu paaqqinniffik meeraq namminerisamik ineeraqartus-sanngorlugu aaqqissugaassaaq. Tamanna meeqqanut ulloq unnuarlu paaqqin-niffinnik pilersitsineq ingerlatsinerlu pillugit Namminersorlutik Oqartussat nalunaarutaanni nr. 19-imi, 24. november 2017-imeersumi (matuma kingornatigut ulloq unnuarlu paaqqinniffiit pillugit nalunaarummik taaneqartartussami) § 7, imm. 1-ikkut aalajangersarneqarpoq. § 7-imi aalajangersakkami ilaatigut sulif-feqarfiit imminnut pigisut pineqartunut ilaatinneqarput , tak. § 1, imm. 1, nr. 3.

Misissuinerup nalaani PITU-mi aqtsinermi pisortaagallartup oqaatigaa najuga-qartut ilaannaat namminerisaminnik ineeraqartut. Tamanna paaqqinniffiup ajor-nartorsiutaasutut isiginngilaa, tassami qatanngutigiit arlallit ataatsimut najuga-qatigiikkusuttarmata, PITU-mullu pinnginnerminni najugaqatigeereersimasarlu-tik. Misissuartortut paaqqinniffiup initaanik misissuinerminni paasivaat ineqqat ilaanni sisamani qatanngutigiit marluk ineqatigiittut. Najugaqartunut 17-iusunut ineqqat katillugit 13-iupput.

Aqtsinermi pisortaagallartup aammattaaq oqaatigaa paaqqinniffiup aaqqis-suunneqarnera ingerlatsineq pillugu isumaqatigiissummi paaqqinniffiup Nammi-

nersorlutik Oqartussanut isumaqatigiissutigisimasaani piumasaqaatinik eqqortitsusuusoq, ingerlatsinerlu pillugu isumaqatigiissut allangortinneqarsimanngitsoq atorunnaarsinneqarsimanngitsorluunniit, naak nalunaarummik nutaamik aalajangersaasoqarsimagaluartoq.

PITU-p ingerlatsineq pillugu isumaqatigiissut 2013-imeersoq, ingerlatsineq pillugu isumaqatigiissut 2014-imeersoq aamma isumaqatigiissummut ilassutit marluk 2015-imeersut assilineri uannut misissuinerup kingornatigut nassiuppai.

Ingerlatsineq pillugu isumaqatigiissutini marlunni taakkunani quppernermi 1-im oqaatigineqarpoq "PITU suliassaqarfimmi meeqqanut inuusuttunullu tunngasumi malittarisassani sukkulluunniit atuuttuni pineqartunut ilaatinneqartoq" (Atorfefarfimmi nutsigaavoq).

Ingerlatsineq pillugu isumaqatigiissummi 2013-imeersumi § 9-mi oqaatigineqarpoq "najugaqartut sapinngisamik namminerisaminnik ineeraqa[ssasut], taa-maattorli ineeqqami ataatsimi najugaqartut amerlanerpaamik marluusinnaasut" (Atorfefarfimmi nutsigaavoq).

Ingerlatsineq pillugu isumaqatigiissummi 2014-imeersumi imm. 17-im oqaatigineqarpoq "paaqqinniffiup Naalakkersuisullu isumaqatigiissutaatigut siusinnerusukkut akuersissutaasut" (Atorfefarfimmi nutsigaavoq) ingerlatsineq pillugu isumaqatigiissutip taassuma atortuulersinneqarneratigut atorunnaarsinneqartut. Ingerlatsineq pillugu isumaqatigiissut 2014-imeersoq najugaqartut qassit ineeqqami ataatsimi ineqatigiissinnaanerat pillugu aalajangersakkamik erseqqvissumik imaqanngilaq.

PITU-p namminerisamik ineeraqarsinnaanermik apeqqut pillugu ilassutaasumik oqaaseqaatit arlallit e-mailikkut 22. marts 2018-imeersukkut uannut nassiuppai. PITU-p ulloq unnuarlu paaqqinniffiit pillugit nalunaarummi § 7-ip eqqortineqarnera pillugu makku oqaatigai:

"Namminersorlutik Oqartussanut isumaqatigiissut allakkatigoortuuvoq, tassanilu oqaatigineqarpoq ineeqqani tamani amerlanerpaamik marluk ineqatigiissinnaasut – kap. 5 takuuk. Isu-

maqatigiissummi aamma oqaatigineqarpoq isumaqatigiissut illua'tungeriinnit tamanit qaammatinik arfinilinnik piffissaqartitsilluni atorunnaarsinnejqarsinnaasoq – kap. 12 takuuk.

Namminersorlutik Oqartussat atorunnaarsitsinerannik tigusaqarsimannngilagut." (Atorfegarfimmi nutsigaavoq)

PITU-p aammattaaq oqaatigaa paaqqinniffik ulloq unnuarlu paaqqinniffiit pillugit nalunaarutip suliarineqarneranut atatillugu peqataatinneqarsimannngitsoq, paaqqinniffiullu Isumaginninnermut, Ilaqutariinnut, Naligiissitaanermut Inatsisinillu Atuutsitsinermut Naalakkersuisoq tunuartoq ulloq unnuarlu paaqqinniffiit pillugit nalunaarummi § 7, imm. 1-ip kingunerisassai pillugit ataatsimeeqatigeqqamme-raa.

Paaqqinniffiup kingunerisassat taakku pillugit ilaatigut makku e-mailimi 22. marts 2018-imeersumi oqaatigai:

"Tamanna "Peqatigliiflik Isumassortit"-p nutaap ilaasortaanut ulloq unnuarlu paaqqinniffiinnut imminnut pigisunut tallimaasunut isumaqarpoq tamatta meeqqat katillugit 15-it anisittariaqarivut. Isumaginninnermut Naalakkersuisuusimasumut apeqqutigisavut ukuupput:

Sumummi pissappat?

Paaqqinniffiinnut sorlernut innissinneqassappat?

Paaqqinniffippassuarnik nutaanik sanaartortoqassava?

Kina akiliissava?

(Ullumikkunnarlunniit peqatigliifimmik pilersitsiniarluta sulinitssini kommuninit assigiinnngitsunit tamatta immikkut saaffiginneqarpugut inissaqartitsinersugut paasiniasunit.)

Tamanna meeqqat eqqarsaatigalugit inuttut ajorluinnartussaavoq, tassami meeqqat naalliu-teqareeqimmata, meeqqanillu allanik ineqateqarnermikkut toqqisisimanermik misigisarmata. Meeraatitta ilarpassui qulit inorlugit ukioqarput.

Nalunngilarput allat tamarmik – aamma Namminersorlutik Oqartussat paaqqinniffiutaat – ine-qartissinnaasatik sinnerlugit ulikkaaqqareersut.

Isumaginninnikkut kingunerlorujussuartussaavoq, tamannalu inuiaqatigiit akissaqartinngilaat – tassalu uagut oqariartuuterput.

[...]

Nalunaarutip Danmarkimi pissutsit maliinnarnagit inuaqatigiit ajornartorsiutaanni pissusiviusunut naleqqussarneqarnissaa peqatigiiffimmi ilungersorluta suliniutigaarput. Inissaaleqinerujus-suaqareerpoq. Kalaallillu Nunaanni ilaqtariit meerartallit amerlanerpaartaat akunnattunik i-sertitallit arlalinnik meerartaqarunik meerartamik tamarmik immikkut ineeraqartinneqarnisaannut periarfissaqaqanngilluinnarput.

Tamatumunnga peqatigitillugu aamma apeqquaavoq meeqqat eqqugaasut inooqataanissartik qanoq iliorlutik ilinniarsinnaaneraat. Aap, nalunaarut eqqarsaatiglluagaavallaanngitsoq pillugu apeqqutissarpassuaqarpugut." (Atorfefarfimmi nutsigaavoq)

Uanga paasinninna unaavoq PITU ulloq unnuarlu paaqqinniffiit pillugit nalunaarummi pineqartunut ilaasutut isigineqartariaqartoq, matumanit § 7, imm. 1-imni namminerisamik ineeraqarneq pillugu aalajangersagaq ilanngullugu eqqarsaatigalugu.

Taamaalilluni ingerlatsineq pillugu isumaqatigiissutip atorunnaarsinneqarsimannginneranik PITU-p oqarnera allatut inerniliinermik kinguneqarsinnaanngilaq, tassami ingerlatsineq pillugu isumaqatigiissutini marlunni taakkunani erseqqisumik takuneqarsinnaareermat PITU suliassaqarfimmi meeqqanut inuuusuttunul-lu tunngasumi malittarisassani sukkulluunniit atuuttuni pineqartunut ilaatinne-qartoq.

Isumaqpunga PITU-p immikkoortortaqarfiata Nuummiittup meeqqat tamarmik immikkut namminerisaminnik ineeraqartinnagit aaqqissuunneqarnera ulloq unnuarlu paaqqinniffiit pillugit nalunaarummi § 7, imm. 1-imut naapertuuttuunngitsoq.

Ulloq unnuarlu paaqqinniffiit pillugit nalunaarummi § 7, imm. 1-imti aalajanger-sakkap kingunerisinnaasai eqqarsaatigalugit malugaara PITU-p Isumaginninnermut, Ilaqutariinnut, Naligiissitaanermut Inatsisinillu Atuutsitsinermut Naalakkersuisuusimasoq nalunaarummik maanna atuuttumik atuutsitsilersuusoq 2018-imimartsimi tamanna pillugu ataatsimeeqatigisimagaa.

Tamatumunnga atatillugu oqaatigaara ulloq unnuarlu paaqqinniffinni meeqqat namminerisaminnik ineqassanerat imaluunniit qatanngutiminnik ataatsimik ar-

lalinnilluunniit imaluunniit najugaqartunik allanik ineqateqarnissaat pillugu ma-littarisassanik ilusilersuineq ilaatigut isumaginninnermik suliaqarnikkut naalak-kersuinikkulluunniit isumaliutersuutinik tunngaveqartoq aallaavittut ilimagisaria-qartoq. Uanga Ombudsmanditut suliassara tassaavoq oqartussaasut il.il. inatsi-seqartitsineq atuuttoq aamma ingerlatsinermi ileqqorissaarneq unoqqutillugit i-liuuseqarnersut misissussallugu. Kisianni soorlu nalunaarummi aalajangersakkat naleqquttuunerannik isummerfiginninneq Ombudsmandip sulinerata avataaniippoq. Tassani aamma ilaapput uanga Ombudsmanditut isumaginninnermik sulia-nik immikkut ilisimasaqartunik sulisoqannginnera.

7. Nakorsaatinik toqqortarinninneq

Naalakkersuisoqarfiup nakkutilliilluni misissuineq pillugu nalunaarusiaani 2015-imeersumi quppernermi 9-mi takuneqarsinnaavoq paaqqinniffiup illutaviani na-korsaatinut sikaavimmik parnaarsimasumik peqanngitsoq, "noqartarnermullu nakorsaatit igaffiup sikaavianiittut eqqunngitsumik toqqortarineqartut" (Atorfefarfimmi nutsigaavoq). Taamaattumik Naalakkersuisoqarfiup quppernermi 14-i-mi inassuteqaatigaa "sikaavimmik nakorsaataasivimmik parnaartartumik nakor-saatinik illersorneqarsinnaasumik toqqortarinniffiusinnaasumik peqassasoq" (A-torfefarfimmi nutsigaavoq).

Misissuinermi 6. marts 2018-imi ingerlanneqartumi misissuiartortut malugaat il-lut aappaanni nakorsaatinik ilioraavik nakorsaatinik imalik igaffiup nerriviusaata qaaniittoq.

Pisortaqtigiiq oqaatigaat nakorsaatit nakorsaatinik ilioraavimmiittut tassaasut noqartarnermut nakorsaatit najugaqartut ilaata nakorsaatai. Nakorsaatit sikaavimmi nakorsaataasivimmi parnaartartumi siusinnerusukkut toqqortarineqartarsimagaluartut, massakkullu saqqumiinnartumiitinneqartut najugaqartup nakor-saatitornissami eqqaamanissaa nammineq sungiusrumammagu. Paaqqinniffiup meeqqat marluk najugaqartut allat oqaluttuussimavai iisartakkat taakku uloria-nartuusut, attussanngikkaallu.

PITU-p e-mailikkut 22. maj 2018-imeersukkut ilisimatippaanga misissuinerup kinguninngua ingerlaannartumik nakorsaatit ilioraavimmut parnaaqqasumut i-nissinneqartut, sulisullu kisimik toqqorsivimmik ammaasinnaasut.

PITU-p paasissutissiissutigisai tusaatissatut tiguakka.

8. Pissaanermik atuisarneq pillugu inatsisip sulisunut tunniunneqartarnissaa

Meeqcanut 18-it inorlugit ukiulinnut ulloq unnuarlu paaqqinniffimmut inissinneqarsimasumut pissaanermik atuisarneq pillugu malittarisassat isumaginninnermik suliassaqaarfimmi pissaanermik atuineq pillugu Inatsisartut inatsisaanni nr. 1-imi, 21. november 2013-imeersumi (matuma kingornatigut pissaanermik atuisarneq pillugu inatsimmik taaneqartartussami) immikkoortuni I-imi aamma II-miippoq (§§-imi 1-imit 29-mut). Inatsit taanna ulloq unnuarlu paaqqinniffinnut tamanut atuuppoq, matumani paaqqinniffiit PITU-tut ittut ilanngullugit eqqarasatigalugit.

Pissaanermik atuisarneq pillugu inatsimmi § 29-kkut aalajangersarneqarpoq inatsit ulloq unnuarlu paaqqinniffinni tamani inatsimmi pineqartunut ilaatinneqartuni sulisunut tunniunneqartassasoq, sulisullu inatsimmik tigusaqarnertik upernarsarlugu ulloq unnuarlu paaqqinniffiup pisortaanut atsiortassasut.

PITU-mi aqutsinermi pisortaagallartup misissuinerup nalaani oqaatigaa immikkoortaqarfiit tamarmik mappiuteqartut pissaanermik atuisarneq pillugu inatsimmi imaqartumik, sulisullu inatsit atuareeraangamikku inatsit atuarsimallugu paasisimallugulu upernarsarlugu atsiortartussaasut. Sulisulli inatsimmik namminneq pissaminnik tunineqarneq ajorput.

PITU-p e-mailikkut 22. maj 2018-imeersukkut ilisimatippaanga pissaanermik atuisarneq pillugu inatsit sulisunut tamanut tunniunneqartoq.

Pitup paasissutissiissutigisai tusaatissatut tiguakka.

9. Meeqqat angajoqqaallu pissaanermik atuisarneq pillugu inatsimmik ilisimatinneqartarnerat

Pissaanermik atuisarneq pillugu inatsimmi § 27-kkut aalajangersarneqarpoq meeqqat inissinneqarsimasut angajoqqaatullu oqartussaassuseqarnermik tigummiaqartut inatsimmi immikkoortumi II-mi (§§-ini 4-mit 29-mut) malittarisasanik ilisimatinneqarnissaat ulloq unnuarlu paaqqinniffiup qulakkiissagaa, matumani tulleriinneri malillugit kommunalbestyrelsimit aamma Isumaginninermi Naammagittaalliuuteqartarfimmut §§-it 24 aamma 26 tunngavigalugit naammagittaalliornissamut periarfissaqarnera ilanngullugu eqqarsaatigalugu.

Inatsimmi § 27 piareersarlugu sulianit erserpoq meeqqap angajoqqaatullu oqartussaassuseqartup sunik pisinnaatitaaffeqarnerminnik ilisimasaqarnissaat kiisalu ulloq unnuarlu paaqqinniffimmi sulisut meeraq eqqarsaatigalugu pissaanermik atuinermi qanoq iliuuseqartarnissaat aalajangersakkap taassuma qulakkiissagaa.

Pitumi aqutsinermi pisortaagallartup misissuinermi oqaatigaa paaqqinniffiup najugaqartut angajoqqaallu malittarisassat paaqqinniffimmut atuuttut paaqqinnifimilu qanoq pissusilersortoqartarnissaa pillugit oqaloqatigisarai. Pissaanermilli atuisarneq pillugu inatsimmi malittarisassat tamaasa paaqqinniffiup oqaluttuarsarsimanngilai, matumani pissaanermik atuisoqarnera pillugu naammagittaalliorsinnaanermut malittarisassat ilanngullugit eqqarsaatigalugit.

Paaqqinniffimmi pissaanermik atuisarneq eqqarsaatigalugu aqutsinermi pisortaagallartup aamma oqaatigaa 2017-imilu sulisoq ataaseq najugaqartumut ataatsimut pissaanermik atuisimasoq, 2018-imilu manna tikillugu taamatut ataatsimik aamma pisoqarsimasoq.

PITU-p e-mailikkut 22. maj 2018-imeersukkut ilisimatippaanga paaqqinniffiup najugaqartut najugaqartullu angajoqqaavi malittarisassat pillugit ilisimatitsisarnertik aallartissimallugu.

Pitup paasissutissiissutigisai tusaatissatut tiguakka.

10. Illumi malittarisassanik meeqanut angajooqqaanullu tunniussisarneq

PITU-mi malittarisassat naqitanngortinnejnerat misissuineq sioqquillugu tigura.

Aqtsinermi pisortaagallartup misissuinermi oqaatigaa illumin malittarisassat paaqqinniffiup qarasaasiaatigut sulisunit pissarsiarineqarsinnaasut. Illumili malittarisassat paaqqinniffiup initaani nivinngarneqarsimannigillat, kiisalu najugaqartunut angajooqqaanulluunniit tunniunneqarneq ajorlutik. Paaqqinniffiup malittarisassat meeqanik ataatsimeeqateqarnerni sapaatit akunneri marlukkaarlugit sisamakkaarlugilluunniit ingerlanneqartartuni najugaqartunut oqaloqatiginnistigisarpai. Meeqat paaqqinniffimmi qanoq pissusilorsornissaannik naatsorsuutiginnineq paaqqinniffiup angajooqqaanut taamatuttaaq oqaloqatiginnissutigisarpaa, illumili malittarisassat oqaloqatiginnissutigineq ajorlugit. Illumi malittarisassat oqaloqatigiissutigineqarnissaat annertuumik pisariaqartinneqarnersoq pisortaqtigiiit misigineq ajorpaat, najugaqartummi amerlanersaasa malittarisassat malittarmatigit. Illumi malittarisassat unioqqutinnejaraangata tamanna najugaqartumut pineqartumut oqaloqatiginnissutigineqartarpoq.

"Isumaginninnermik suliassaqarfimmi pissaanermik atuineq pillugu Inatsisartut inatsisaannut ilitsersuut – immikkoortoq II meeqanut tunngasoq"-mi taamani Ilaqutariinnermut Inatsisinillu Atuutsitsinermut Naalakkersuisoqarfiusup suliari-saani imm. 16-im i laatigut makku oqaatigineqarput:

"Paaqqinniffinni najugaqarfigisaniluunniit pitsaasunik allanngoqattaanngitsunillu atuagaqarnissaq qulakkeerniarlugu suliffimmi aaqqissuussisoqartariaqarpoq malittarisassartalimmik ulluinnarni malinneqartussanik. Inuit arlallit illumin ataatsimi najugaqarfigisaq tamaat ataasisutut isigalugu akuerineqarsinnaasunik malittarisassaqarnissaq pisariaqarsinnaasarloq sumiiffiit suliassaminnik atuuffimminnillu pitsaanerpaamik suliaqarsinnaanissaat qulakkeerumallugu.

[...]

Suliffimmi malittarisassat inunnit malittarisassanik malinnittussaasutut naatsorsuutigineqartunit ilisimaneqartussaapput, taamaattumik malittarisassat allassimasariaqarput aammalu meeqqamut inuusuttumulluunniit kiisalu angajoqqaatut oqartussaassusilimmut inissinneqarnerup aallartinnerani aammalu malittarisassat allanngortinneqaraangata, tunniunneqartassallutik.

[...]

Suliffimmi malittarisassanut ilaasinnaapput eqqiluisaarnermut malitassat minnerpaaffissaat, pujortartarnermut malittarisassat, mobiltelefonip atorneqarnissaanut malittarisassat, meeqqat inuusuttullu qaugu innarnissaat, inigisani qaugu eqqissisoqarsimanissaa kiisalu piffissat neriffissat, fjernsynerfissat, qarasaasiamik atuinissat pillugit malittarisassat, qaugu pulaartoqarsinnaanerit aammalu allattukkat avataasigut pisusanut inissiiffiup malittarisassiai."

[...]

PITU-p e-mailikkut 22. maj 2018-imeersukkut ilisimatippaanga paaqqinniffimmi malittarisassat najugaqartunut najugaqartullu angajoqqaavinut tunniunneqarsimasut.

Pitup paassisutissiissutigisai tusaatissatut tiguakka.

11. Oqarasuaatinik angallattakkanik arsaarinnittarneq

PITU-p malittarisassaani misissuineq sioqqullugu tigusanni ilaatigut makku oqaatigineqarput:

"Sunngiffimmi meeraq nal. 16:00-p tungaanut unnukkullu nerereernerup kingorna innarnissap tungaanut mobiltelefoneqarsinnaatitaavoq. Tamanna atornerlunneqarsi-mappat imaluunniit inunniq sullissivimmuit aalajangerneqarpat arsaarinnissutaagallar-neqarsinnaavoq."

Aqutsisutut pisortaagallartup misissuinermi oqaatigaa malittarisassaq taanna nalinginnaasumik atorneqanngitsoq. Massakkut najugaqartut pingasut angallattakkanik oqarasuaateqarput. Ilaanneeriarluni soorlu isumaqatigiissutigineqartar-

poq najugaqartut "oqarasuaammik angallattakkamik nalunaaquttap akunnerani ataatsimi atuissanngitsut", kisianni piffissamik aalajangersimasumik najugaqartut oqarasuaatiminnik angallattakkanik tunniussivissaannik aalajangersaasoqarsimanngilaq. Paaqqinniffiup najugaqartut oqarasuaataannik angallattakkanik arsaarneq ajorpai.

PITU-p misissuinerup kingornatigut ullualunnguit qaangiunneranni nalunaarutigaa illumi malittarisassani immikkoortoq taanna peerniarlugu aalajangersimalluni, malittarisassarmi atorneqarneq ajormat. PITU-p tamatumunnga atatillugu oqaatigaa immikkoortoq taanna Namminersorlutik Oqartussat isumaqatigiissutefarfigalugit ikkunneqarsimagaluartoq.

Pitup paasissutissiissutigisai tusaatissatut tiguakka.

12. Angajoqqaanut attaveqarneq pillugu paasissutissat

Aqutsisutut pisortaagallartup misissuinermi oqaatigaa angajoqqaat tamarmik oqarasuaataasa normuisa allattorsimaffiat paaqqinniffiup pigigaa, najugaqarfisali allattorsimaffiat piginagu. Misissuiartortut kaammattuutigalugu oqaatigaat najugaqartut angajoqqaavii pillugit paasissutissat, tassa oqarasuaatit normui najugaqarfili eqqarsaatigalugit, nutartigaasut pigiuarnissaat PITU-p isumagisariaqaraa.

PITU-p misissuinerup kingornatigut oqaatigaa angajoqqaat tamarmik najugaqarfii pillugit paasissutissat paaqqinniffiup pissarsiarisimagai.

Pitup paasissutissiissutigisai tusaatissatut tiguakka.

13. Ikuallattoorsinnaanermik sungiusarneq

Aqutsisutut pisortaagallartup misissuinermi oqaatigaa sulisut qatserinermik pikkorissartinneqarnissaat upernaamut pilersaarutigineqartoq. Paaqqinniffimmi ikuallaattoorsinnaanermik qanga kingullermik sungiusartoqarsimanersoq pisortaagallartup naluaa, ukiulli kingulliit marluk ingerlaneranni taamatut sungiusartoqarsimanngilaq.

Kaammattuutigaara PITU, najugaqartut isumannaallisaavagineqarnerat eqqarsaatigalugu, paaqqinniffimmi ikualattoorsinnaanermik sungiusartitsissasoq.

14. Kommunit iliuusissanut pilersaarutaat

Meeraq angerlarsimaffiup avataanut inissinneqassasoq aalajangiisoqannginnerani meeqqamut iliuusissanut pilersaarut allaganngortitaq kommunip suliarissaavaa, kommunillu iliuusissanut pilersaarutip ilai pisariaqartut inissiivimmut tunniutissavai, iliuusissanullu pilersaarutip ukiumut ikinnerpaamik ataasiarluni nutarterneqartarnissaa qulakkiissallugu. Tamakku meeqqat tapersorsorneqarnissaat pillugu Inatsisartut inatsisaanni nr. 20-mi, 26. juni 2017-imeersumi § 46, imm. 1, nr. 2-kkut, § 46, imm. 5-ikkut aamma § 47, imm. 1-ikkut aalajangersarneqarput.

PITU-mi pisortaqtigiiit misissuinermi oqaatigaat iliuusissanut pilersaarutit paaqqinniffiup kommuninit tigusimasai pisuni arlalinni ukioq ataaseq sinnerlugu pisoquaassuseqartartut. Iliuusissanut pilersaarutit nutartikkat paaqqinniffiup kommuninut akuttunngitsumik nukingisaarutigisarpai.

Iliuusissanut pilersaarutit taakkua ullui pillugit takussutissiaq misissuinerup kingunitsiannguatigut paaqqinniffimmit tiguara, tassanngalu erserpoq Nuummi immikkoortortaqarfimmi najugaqartunut arfinilinnut iliuusissanut pilersaarutit 2016-imi suliarineqarsimasut.

Tamanna kommuninut akisussaasuusunut malugeqqullugu nalunaarutigaara.

15. Malitseqartitsiviginneq

Pitu qinnuigaara immikkoortortaqarfimmi sulisut, najugaqartut ilaquaasullu nalunaarusiamik matuminnga ilisimateqquillugit.

Isumaginninnermut Inatsisinillu Atuutsinermut Naalakkersuisoqarfimmut nalunaarusiap assilinera ilisimatitsissutitut nassippara.

PITU-p immikkoortortaqarfiani Nuummiittumi misissuinera matumuuna naamassisutut isigaara.

Nalunaarusiaq manna Ombudsmandip nittartagaanut www.ombudsmand.gl-i-mut 2018-imilu ukiormoortumik nalunaarusiannut ilanngunneqarumaarpoq.

Inuulluaqqusillunga

Vera Leth
Vera Leth